

bilis, melancholia, pituita, omnes adusti: & ex hac mistura fiunt maculae in facie, in aliis partibus non itidem: quia materia expellitur per alias vias, alioquin fortassis in longè periculosiorem dispositionem incideret. His ita se habentibus, cum potissimum causa huius dispositionis sit intrinseca, de prognostico vnum dicam. Cum essentialis sit ea temperies, & hepar calidius, difficulter tollitur. Oportet enim, ut inquit Galenus, hominem vacare ab omnibus curis, 3. lib. Artis parua, & de Tuenda sanitate. Ad hæc, ut corrigatur temperatura naturalis, opus est multo tempore, & tamen difficilimè tolli poterit, & vix tandem emendatur: & insuper est periculum, ne succedente ætate, cum deficient menstrua, & talis caliditas hepatis manere soleat, omnia sint futura deteriora.

Credo aliquam partem curationis in euacuatione sitam esse, cum sit repletum corpus, & generet plurimos humores adustos, qui sunt educendi. Sed tamen in illa non consistit cura integra, sed potius in extrinseco quodam impedimento, quod auferendum est, sicut dicam. Nunc in Vere sumus, in quo humores mobiles facilè euacuantur: facerem igitur purgationes exquisitissimas, non tantum ventriculi, & eorum quæ in primis meatibus continentur, sed totius ambitus venarum. Quo facto, facilius erit alterare membrum. Et quia corpus est obediens, darem lenitium ex cassia: quo facto, darem quoque syrupos alterantes. Et in hoc casu sero nihil præpono, ac poterit sero multum & vtiliter vti. Exhiberem itaque viij. aut x. 3. libram etiam omni die, si ventriculus toleraret: adderem etiam syrupum acetosum simplex oxymel, etiam quod incidit humores grossos, & facit penetrare: darem 3. j. syrupi acetoli, cum succo fumiterræ, & exhiberem alios conuenientes syrupos. Facilè enim in tam felici temperatura motum aliquem faceret in purgando, cum præsertim serum etiam subducat aluum. Neque hinc vererem confectioem hamech, cuius darem 3. iij. cum decoctione thamarindi, & syrupo rosato & violato, qui refrenarent calorem, & (quod ferè omniferam) dum acciperet syrupos, mitterem sanguinem è basilica dextri lateris. Facta incisione, acciperem idem serum caprinum, & infunderem in id myrobalanos, epithimum, folliculos senæ, polypodium, & adderem radices ellebori nigri, & euacuarem humores adustos ea facilitate, sicut solemus euacuare in morbo Gallico cum syrups nostris, & ita fieret hæc infusio, ut in vnaquaque esset 3. s. corticum radicum ellebori, & possent corrigi cum seminibus citri & liquiritia. Hæc enim sæpissimè experior feliciter in educendis humoribus. Utatur postea recta ratione victus, & crebrò ac multum accipiat sacchari rosati partem, & singulis septimanis cassiam simplicem, ante prandium hora vna. Hæc enim euacuat humores crassos, & refrigerat hepar. Si ventriculus nimium relaxaretur, adderem vel puluerem rhabarbaræ, vel sandalorum. His omnibus factis, si nondum perfectè curata esset, iuberem bibere aquas Veronenses. Vidi enim magnificum quendam virum Venetum ex earum potu curatum esse ab vlcibus pessimis phagadænicis. Ideò crede-

rem quòd etiam huic plurimū conferrent. Quantum verò ad localia attinet, ut audio, læditur à quocunque adhibito, quia materia est adusta; ideò nihil omninò apponerè ante perfectam euacuationem. Sed postea vbi facta esset purgatio exquisita, si vellem extinguere calorem, & amouere malam illam dispositionem: non video remedium melius, & quod magis sit ad propositum, quàm est illud Galeni ex Solatro, cum oleo rosato contrito in mortario plumbeo. Sed illud tamè ipsum non applicarem, nisi completa purgatione. Post emundationem destillentur aquæ ex succo limonū, & thure masculo, & eis sæpius vtatur.

Ad maculas faciei pro nobili muliere.

R. Olei abietis 3. j. s.
Thuris masculi 3. j.
Succi limonum lb. j.

Contundatur thus, & postea cum reliquis misceatur, & ponatur in balneo Mariæ ad lentum ignem, per horas duodecim: postea destilletur ab artifice, & seruetur aqua ad abluendam faciem, oleum ad inungendam.

CONSILIVM CX.

De tumore duro maxilla dextra, dicta in colloquio cum Chirurgo Leonico & Frisimelica in ædibus Montani. Anno 1550. Iunij 21.



IN hoc iuvene consideranda est ægritudo in loco particulari, quæ statis temporibus non semper contingit, sed habet periodos. Circa maxillam dextram tumor dilatatur à mento ad aures, atque inter hæc membra medium locum occupat. Audimus primò, quòd antea cum fuit aliqua durities in dextra parte faciei, chirurgum tentasse maturare, ita attraxit materiam, & facta est inflammatio in loco: & cum videbatur illi suppuratio, incidit, & nulla effluxit sanies. Fuit igitur hoc initiū. Et post hanc duritiem ita curatam ad vlcus devenit, ita ut certis temporibus in eo fiat crusta, quæ decidunt adhibitis medicamentis. Nunquam tamen liber est, & etiam nunc sit crusta certis temporibus ac periodis, itaque cogitur consulere Medicos. Sunt autem tres anni, cum fui Taruisij, & vidi in ea maxilla magnum tumorem, & consideravi, & percunctatus de percunctandis, dixi esse propter caliditatem hepatis, ut deinceps ostendam. Et narrauit mihi cauterium sibi factum esse in brachio, quod ego non damno, & si in crure maluissem. Exhibui medicameta diuertentia, & refrigerantia. Medici verò noluerunt ea, quæ iussi facere, inde semper incidit in deteriores affectiones. Nunc accessit ad E. V. & fuit aliquo modo curatus, sed non plenè liberatus. Ideò rursus querit curationem, ac petit sibi prouideri, ne incidat in talia. Video autè quòd habet vlcus cum eschara, vbi eschara non prouenit à causa externa, sed interna, videlicet humore acri & calido, inducente escharam: inflammatur locus ille, & fit inflammatio purpurei coloris, quæ tendit ad